

दिनांक 23.01.2025

समय: 18.45 बजे

आकाशवाणी जयपुर-अजमेर

प्रादेशिक समाचार

- नेताजी सुभाष चन्द्र बोस की जयंती पराक्रम दिवस का रूप माना जा रहा है—प्रधानमंत्री नरेन्द्र मोदी कहते हैं नेताजी से प्रेरणा लेकर देश विश्व की तीसरी सबसे बड़ी अर्थव्यवस्था बनवा खाते प्रतिबद्ध।
- मुख्यमंत्री भजन लाल शर्मा कहते हैं राज्य सरकार महिलाओं की माली मजबूती, बाल संरक्षण और वनों का विकास खाते कमर कस रही है।
- राज्य विधानसभा माघ काल से दो दिन की युवा संसद शुरू है।
- प्रदेश मान्य आवृत्ति दो-तीन दिनों मान्य तापमान मान्य दो से चार डिग्री सेल्सियस की गिरावट का आँदा है।

000

प्रधानमंत्री नरेन्द्र मोदी दोहराते हैं कि देश नेताजी सुभाष चंद्र बोस से प्रेरणा लेकर विश्व की तीसरी सबसे बड़ी अर्थव्यवस्था बनवा खाते संकल्प लेकर रखे हैं। आज नेताजी सुभाष चंद्र बोस की जयंती के माते प्रधानमंत्री वीडियो संदेश मान्य कहते हैं कि देशवासियों ने विकसित भारत का लक्ष्य हासिल करवा वास्ते कोशिश करनी चाहिये।

.....

प्रधानमंत्री संविधान सदन का सेंट्रल हॉल मान्य नेताजी सुभाष चंद्र बोस की जयंती के माते वहाँ ने श्रद्धांजलि दी। लोकसभा अध्यक्ष ओम बिरला, रक्षा मंत्री राजनाथ सिंह, कांग्रेस अध्यक्ष मल्लिकार्जुन खरगे और दूजे नेता भी वहाँ ने श्रद्धांजलि दी। श्री मोदी वहाँ मौजूद स्कूली पढ़ाई से बातचीत भी करी।

000

नेताजी सुभाष चंद्र बोस री जयंती आज देशभर मांय पराक्रम दिवस रा रूप मांय मनायी जा रही है। इण मौके प्रदेशभर मांय केई कार्यक्रम कर्या जा रह्या है। अजमेर रा नसीराबाद, भरतपुर अर डूंगरपुर मांय रैली काडर नेता जी ने सिरधांजली दी गई। बांसवाड़ा मांय कांग्रेस पार्टी कार्यालय मांय नेताजी री तस्वीर माथे माला चढ़ाई गयी। **झालावाड** रा पी.एम. श्री केन्द्रीय विद्यालय मांय जिला स्तरीय प्रश्नोत्तरी होड़ राखी गयी जिण मांय केई स्कूलां रा करीब 100 पढ़निया भाग लिना। वठिने पाली रा सादड़ी रा स्कूल मांय पढ़नियां नेताजी रा चित्र माथे फूल चढ़ार वांने याद कर्या। झुन्झुनू रा सुभाष पार्क मांय कार्यक्रम राख र लोगां ने नेता जी रा किस्सा सुणाया गया। दौसा रा आदर्श विद्या मन्दिर मांय बाल मेळो लगायो गयो। इण बाल मेळा मांय 'संस्कृति अर परम्परावां री सजीव झांकियां दिखायी गयी। बत्ती जाणकारी म्हाका खबरनवीस सूं—

.....

000

महिला अर बाल विकास मेहकमां री कानी ऊं आज जयपुर रा बिडला सभागार मांय राज्य स्तरीय आमुखीकरण कार्यक्रम राख्यो गयो। **"सशक्त नींव, उज्ज्वल भविष्य"** री थीम माथे राख्या इण कार्यक्रम मांय सरकारी कानी ऊं प्रदेश मांय महिला सशक्तीकरण, बाल विकास अर पोषण सुरक्षा रा हलकां मांय कर्या गया महताऊ कामां माथे चर्चा करी गई। इण मौके मुख्यमंत्री भजन लाल शर्मा महकमां रा कर्मचारियां ने सम्बोधित करता थकां कह्या के वां री सक्रिय भागीदारी सूं योजनावां रो फायदो हर पात्र व्यक्ति ताई पूगायो जा सके है। वणा महकमां री योजनावां रो जिक करता थकां कह्या के सरकार महिलावां ने माली रूप ऊं मजबूत बणावा, बाल संरक्षण अर वां रा विकास खातर कमर कस राखी है।

.....

मुख्यमंत्री कार्यक्रम मांय मौजूद आंगनबाडी कार्यकर्ता, महिला पर्यवेक्षक, महकमां रा अधिकारी अर कर्मचारियां सूं संवाद कर्यो। कार्यक्रम मांय उपमुख्यमंत्री दिया कुमारी अर महिला अर महिला बाल विकास महकमां रा शासन सचिव समेत दूजा अधिकारी मौजूद रह्या।

000

राज्य विधानसभा मांय काल सूं दो दिन री युवा संसद शुरू व्हेला। विधानसभा अध्यक्ष वासुदेव देवनानी सदन मांय दीप जला र युवा संसद री सरुआत करेला। श्री देवनानी कह्या के इण सूं प्रदेश रा मोटयारां ने राजनीति हलकां मांय काम करबा री प्रेरणा मिलेला। वे कह्या के भावी पीढ़ी ने देश री राजनीति सूं परिचित कराबा मांय यो कदम महताऊ साबित व्हेला। इण रे तैत युवा विधानसभा री कार्यप्रणाली ने समझ सकेला। इण दो दिन री युवा संसद मांय देश रा न्यारा—न्यारा राज्यां रा विश्वविद्यालयां मांय पढ़ रह्या युवा मौजूद रहवेला।

000

राष्ट्रीय बालिका दिवस काल मनायो जावेला। बरस 2008 सूं मनाया जा रह्या इण दिवस रो लगस देश मांय बालिकावां कानी ऊं सकारात्मक माहौल बणावा मांय लोगां री भागीदारी बढ़ाणो है। इण मौके प्रदेश मांय केई कार्यक्रम राख्या जावेला। भीलवाड़ा मांय भी जिला स्तरीय कार्यक्रम राख्या जावेला। मुख्य चिकित्सा अर स्वास्थ्य अधिकारी सी.पी गोस्वामी बताया के इण दौरान स्कूली टाबरियां ने चोखी सेहत रा बारा मांय बतायो जावेला। साथै ही इण मौके केई होड़ा भी राखी जावेला।

000

उपमुख्यमंत्री अर वित्त मंत्री दिया कुमारी केई के आवतो बजट लोगां ने ध्यान मांय राखता थकां तैयार कर्यो गयो है। वणा आज जयपुर मांय खबरनवीसां सूं बातचीत मांय कह्या के मुख्यमंत्री कानी ऊं न्यारा—न्यारा वर्गा सूं करी गयी बजट पैली री चर्चा रे दौरान मिल्या सुझावां ने बजट मांय शामिल कर्यो जावेला।

.....

000

राष्ट्रीय मतदाता दिवस रे मौके राज्य स्तरीय कार्यक्रम जयपुर रा **राजस्थान इन्टरनेशनल सेन्टर** मांय राख्यो जावेला। आज जवाहर कला केन्द्र मांय मतदाता दिवस रे मौके चित्रकला री होड़ राखी गयी। इण मौके मुख्य निर्वाचन अधिकारी नवीन महाजन खबरनवीसां सूं बातचीत करता थकां बताया के होड़ रा विजेतावां रा चित्र राज्य स्तरीय समारोह मांय दिखाया जावेला। वे बताया के कार्यक्रम मांय नुवा मतदातावां ने एपिक कार्ड दिया जावेला।

.....

मतदाता दिवस रे मौके ज़िला अर बूथ स्तर माथे भी कार्यक्रम राख्या जावेला। सवाईमाधोपुर मांय राजकीय बालिका उच्च माध्यमिक विद्यालय मानटाउन मांय ज़िला स्तरीय जळसो व्हेला। बारां सूं म्हाकां संवाददाता बताया के ज़िला कलेक्टर रोहिताश्व सिंह तोमर ने जयपुर मांय राख्या कार्यक्रम मांय सम्मानित कर्यो जावेला। ओ सम्मान वां ने निर्वाचन प्रक्रिया ने निष्ठा अर समर्पण रे सागे पूरी कराबा खातर दियो जावेला।

000

राज्य मांय आवता 2—3 दिनां मांय दिन अर रात रा तापमान मांय 2 सूं 4 डिग्री सेल्सियस ताई री गिरावट व्हे सके है। मौसम केन्द्र जयपुर रे मुजब प्रदेश रा उत्तरी हलकां मांय कठे—कठे कोहरो छाया रह सके है। इण बीच आज भी केई ठौड़ां माथे बादळ छाया रह्या अर कुछ एक ठौड़ां माथे हल्को मेह बरस्यो। धौलपुर मांय दोपहर पाछे ठण्डी हवां रे सागे बूँदाबादी व्ही। इण सूं ठण्ड बढ गयी। भीलवाड़ा, झालावाड़ अर सवाईमाधोपुर मांय बादळ छाया व्ह्या है।

000

जयपुर री सांभर झील माथे काल सूं सांभर महोत्सव सुरू व्हेला। पांच दिन रा इण उत्सव मांय थानीय लोगां रे सागे देसी—विदेसी सैलाणी भाग लेवेला। पर्यटन महकमां रा उपनिदेशक उपेन्द्र सिंह शेखावत बताया के महोत्सव री सुरूआत दीपोत्सव अर महाआरती रे सागे व्हेला। महोत्सव मांय हैरिटेज वॉक अर केई रोमांचक कार्यक्रम व्हेला जिण मांय ऊंट अर घुड़सवारी, पैरासेलिंग, पैराग्लाइडिंग अर जीप सफारी भेली है। इण रे अलावा पतंगबाजी रो कार्यक्रम भी राख्यो गयो है। लोक कलाकारां री प्रस्तुतियां भी महोत्सव रो आकर्षण व्हेला। इण रे सागे ही झील माथे दूर—दराज सूं आया प्रवासी पंछियां ने देखबा खातर खास व्यवस्था करी गयी है।

000

प्रदेश मांय पशुपालकां खातर चलाई जा री **मुख्यमंत्री मंगला पशु बीमा योजना** मांय आवेदन करबा री आखिरी तारीख बढा र 31 जनवरी कर दी गई है। योजना रे जरिये पशुधन रो बीमो करवायो जा सकेला। पाली रा पशुपालन महकमां रा संयुक्त निदेशक डॉ. ओमप्रकाश बुनकर बताया के पशुपालकां रो बीमो मेहकमां रा एप माथे आवेदन करबा सूं व्हेला। बतायो जावे है के इण योजना मांय 400

करोड़ रिप्यां रो प्रावधान कर्यो ग्यो है। सरकार रा चालू माली बरस रा बजट रा ऐलाण रे मुजब गाय, भैंस अर ऊंट खातर 40 हजार रिप्यां रो बीमो मिलेला। इण खातर प्रदेश री न्यारी-न्यारी ठौड़ां माथे पशु कल्याण पखवाड़ा रे तैत शिविर लगाया जा रह्या है। डीग मांय राख्या शिविरां रे मार्फत पशुपालकां ने **मुख्यमंत्री मंगला पशु बीमा योजना** रा बारा मांय जाणकार दी जा री है। इण रे अलावा बीमा महकमां रा एप सूं आवेदन प्रक्रिया रा बारा मांय भी बतायो जा रह्यो है।

000

76वीं गणतंत्र दिवस परेड रे दौरान देश री विविधता अर सांस्कृतिक एकता ने दरसाबा वाली न्यारा-न्यारा राज्यां, केंद्र शासित प्रदेशां अर केंद्रीय मंत्रालयां री कुल 26 झांकियां तैयार करी गयी है। इण बगत झांकियां रो विषय— **‘स्वर्णिम भारत: विरासत और विकास’** है परेड मांय 16 राज्यां अर केंद्र शासित प्रदेशां रे साथै 10 मंत्रालय अर महकमां री अनूठी थीम वाली झांकियां शामिल व्हेला।

0000